

Mewn Partneriaeth

Hydref 2017

Ychwanegu Gwerth Drwy Bartneriaeth

PCWC yn cadw'r Safon Rheolaeth Amgylcheddol



PCWC yn cynnal y digwyddiad Sganio'r Gorwel Blynnyddol

Staff yn gweithio ar ein nodau
cyffredinol yn y gweithdy



Cydwasanaethau yn cefnogi Pride Cymru 2017

Dathliad o gydraddoldeb,
amrywiaeth a chynhwysiant



GIG
CYMRU
NHS
WALES

Partneriaeth
Cydwasanaethau
Shared Services
Partnership

CYNNWYS

- 04 PCWC yn arbed arian i GIG Cymru trwy ei chynllun hyfforddi meddygon newydd
- 05 PCWC yn gweithio gyda Phrifysgol De Cymru i recriwtio myfyrwyr newydd
- 06 Gwasanaethau Gofal Sylfaenol yn datgelu popeth gyda thaith o amgylch y Storfeydd
- 07 Cydweithwyr o PCWC yn codi arian ar gyfer Sefydliad Bradley Lowery
- 08 Hyrwyddo Teithio Llesol a Chynaliadwy yn PCWC
- 09 Y Stodin Teithio Llesol
- 10 PCWC yn cefnogi Pride Cymru 2017
- 12 PCWC yn cadw'r Safon Rheolaeth Amgylcheddol
- 13 PCWC yn cynnal y digwyddiad Sganio'r Gorwel Blynyddol
- 14 Timau PCWC yn symud i'w swyddfa newydd yn Nhŷ Matrix, Abertawe
- 15 Rheoli risg yn effeithiol
- 16 Yr her amgylcheddol mae GIG Cymru yn ei hwynebu
- 18 Y Gwasanaeth Negesydd Iechyd yn darparu gwasanaeth rhagorol
- 19 Cydweithwyr o PCWC yn chwarae gêm bêl-droed elusennol yn erbyn Notts County Legends



CROESO

*i 'Mewn Partneriaeth', y Cylchgrawn
ar gyfer Ein Staff, Byrddau Iechyd ac
Ymddiriedolaethau*

Nod y cyhoeddiad hwn yw taflu goleuni ar sut y mae Partneriaeth Cydwasanaethau GIG Cymru (PCWC) wedi cyflawni'n ddiweddar dros y Byrddau Iechyd ac Ymddiriedolaethau ledled Cymru.

Yn rhifyn yr Hydref, byddwn ni'n canolbwyntio ar gydraddoldeb ac amrywiaeth ledled y Bartneriaeth Cydwasanaethau, ac mae un o'r prif erthyglau y mis yma am sut y bu i'r Bartneriaeth a chydweithwyr ledled GIG Cymru gymryd rhan yn nathliadau PRIDE Cymru yng Nghaerdydd trwy gerdded yn y parêd a thrwy gynrychioli'r Bartneriaeth ar stondin wybodaeth GIG Cymru yn yr ŵyl.

Byddwn ni hefyd yn bwrw golwg dros lwyddiant PCWC i gadw safon amgylcheddol ISO14001 eto, yn dilyn gwaith caled y tîm i fodloni safonau'r System Rheolaeth Amgylcheddol. Wrth ystyried yr amgylchedd, byddwn ni hefyd yn mynd i'r afael â rhai o'r heriau mae GIG Cymru yn eu hwynebu, gan drafod y cynlluniau, prosiectau a datblygiadau lu ar gyfer gwella effeithlonrwydd ynni a lleihau'r defnydd o garbon, ynghyd â thrafod sut y mae Gwasanaethau Ystadau Arbenigol wedi cynnal astudiaeth er mwyn archwilio effeithiolrwydd rhai o'r cynlluniau hyn ledled Cymru.

Mae erthygl bwysig arall y mis yma sôn am sut y mae PCWC wedi arbed arian i GIG Cymru a meddygon teulu, trwy system newydd sy'n ei wneud yn haws i feddygon nad ydynt o'r UE hyfforddi yng Nghymru. Mae hyn wedi dangos cydweithio ar ei orau rhwng PCWC, BMA Cymru Wales a'r Byrddau Iechyd, ac mae'n galluogi GIG Cymru i gyflymu'r broses recriwtio. Mae'r broses hon wedi derbyn adborth cadarnhaol, yn enwedig oddi wrth David Bailey, dirprwy gadeirydd Pwyllgor Meddygon Teulu Cymru y BMA, ac rydym ni'n bwriadu gwella ar hyn wrth symud ymlaen.

Cyfarfu Uwch Dîm Rheoli PCWC yn ddiweddar ar gyfer ei ddiwrnod Sganio'r Gorwel blynyddol. Bu pwyslais ar gydweithio ac ar wneud pethau "unwaith dros Gymru", gan gydnabod safle unigryw PCWC i hyrwyddo ymarfer gorau. Mae'r digwyddiad cynllunio blynyddol yn rhoi'r cyfle i Gyfarwyddwyr, Penaethiaid Gwasanaeth a'u huwch dimau i ddod ynghyd a chydystyried sut rydym ni wedi perfformio yn erbyn yr amcanion allweddol a amlinellwyd yng Nghynllun Tymor Canolig Integredig PCWC ar gyfer 2017-2020 dros y 12 mis diwethaf.

O ran cydweithio, mae ein Tîm Cyfathrebu wedi bod yn gweithio'n agos gyda Phrifysgol De Cymru er mwyn helpu i gydlynu'r gwaith o greu fideo recriwtio ar gyfer lleoliadau i israddedigion. Canolbwynt y fideo yw Gwerthoedd Craidd PCWC, a'i nod yw hybu rhaglen lleoliadau i fyfyrwyr y Brifysgol a'r lleoliad gwyh yn y gweithle y gall PCWC ei gynnig i fyfyrwyr.

Yn olaf, mae Canolfan Ranbarthol y De-orllewin wedi symud o Ganolfan Oldway i Dŷ Matrix ym Mharc Anturiaeth Abertawe. Er bod y timau wedi symud, busnes fel arfer fydd hi a byddwn ni'n parhau i sicrhau eu bod yn darparu gwasanaethau o'r radd flaenaf i'n cwsmeriaid.

Neil Frow
Y Rheolwr Gyfarwyddwr



[@NWSSP](https://twitter.com/NWSSP)



[NWSSP](https://www.linkedin.com/company/nwssp/)



David Bailey, Dirprwy Gadeirydd Pwyllgor Meddygon Teulu Cymru y BMA

PCWC yn arbed arian i GIG Cymru trwy ei chynllun hyfforddi

Meddai Dirprwy Gadeirydd Pwyllgor Meddygon Teulu Cymru y BMA, David Bailey:

"Tra oeddem ni'n trafod â Llywodraeth Cymru, gofynnem ni a fyddai modd iddynt noddi'n genedlaethol y bobl hynny yr oeddent am ddod i weithio yng Nghymru. Cytunodd y Llywodraeth, a dywedant ei fod yn syniad synhwyrol iawn.

Mae pob ochr yn credu mai fel hyn y dylid bwrw ymlaen - sef â phwynt cyswllt sengl am nawdd ar gyfer meddygon o'r tu allan i'r UE sydd am ddod i weithio yng Nghymru.

Mae wedi gwella'r broses i GIG Cymru yn sylweddol a chaiff ei rhedeg yn effeithiol gan y Bartneriaeth Cydwasanaethau sydd â gwybodaeth broffesiynol o systemau'r GIG, yn wahanol i'r system a fabwysiadwyd yn Lloegr y caiff ei rhedeg gan sefydliadau allanol."

Mae miloedd o bunnoedd wedi eu harbed diolch i system newydd a gefnogwyd gan y Bartneriaeth Cydwasanaethau (PCWC), sy'n ei wneud yn haws i feddygon nad ydynt o'r UE hyfforddi yng Nghymru.

Rhoddwyd i PCWC bwerau noddwr sengl ym mis Medi 2016, yn dilyn awgrym gan BMA Cymru Wales. Mae'r system eisoes wedi arbed tua £16,000 i feddygon, ar y cyd ag amser ac arian i Fyrddau Iechyd Cymru.

Mae rhaid i rai dinasyddion nad ydynt o'r UE sydd yng nghategori Haen 2 ac sydd am hyfforddi yng Nghymru gael tystysgrifau nawdd er mwyn bodloni rheolau Asiantaeth Ffiniau'r DU.

O dan yr hen system, y Byrddau Iechyd oedd yn gyfrifol am roi'r tystysgrifau hyn. Fodd bynnag, byddai hyn yn achosi problemau pe bai rhaid i feddyg symud - byddai rhaid i Fwrdd Iechyd newydd y meddyg wneud cais arall am nawdd.

Effeithiodd hyn ar allu meddygon dan hyfforddiant yn Haen 2 i symud a golygodd mai dim ond os oedd y rhaglen hyfforddiant yn ei chyfanrwydd yn digwydd yn eu Bwrdd Iechyd lleol yr oeddent yn gymwys i wneud cais yn y cylch recriwtio cyntaf.

Mae'r system newydd yn ei wneud yn haws i feddygon nad ydynt o'r UE symud o gwmpas GIG Cymru. Ni fydd rhaid iddynt wneud y prawf marchnad lafur breswyl, felly gallant wneud cais yn y cylch recriwtio cyntaf.



PCWC yn gweithio gyda Phrifysgol De Cymru i recriwtio myfyrwyr newydd

Mae Tîm Cyfathrebu PCWC wedi bod yn gweithio gyda Phrifysgol De Cymru yn ddiweddar er mwyn helpu i gydlynw'r gwaith o greu fideo recriwtio myfyrwyr i ddenu'r rhai mwyaf dawnus i'r brifysgol.

Nod y fideo yw amlygu rhaglen leoliadau'r Brifysgol i fyfyrwyr a'r lleoliad gwyh y gall PCWC ei gynnig yn y gweithle i'r rhai sydd dan hyfforddiant.

Cafodd ei ffilmio yn Storfeydd y Gwasanaethau Caffael yn Ysbyty Tywysoges Cymru, Pen-y-bont ar Ogwr, a rhan o'r gwaith oedd disgrifio'n fanwl brofiadau dau fyfyrwr yng Ngwasanaethau Caffael, sef Jamiel Ankail ac Andrew Roberts.

Mae Jamiel ac Andrew ill dau wedi gweithio i PCWC am dros flwyddyn, gan gyfuno eu hastudiaethau yn y brifysgol â'u gwaith yn adran Caffael PCWC.

Roedd y myfyrwyr yn frwdfrydig am eu lleoliad yn PCWC. Meddai Jamiel:

"Ar hyn o bryd rwy'n astudio Logisteg a Rheoli'r Gadwyn Gyflenwi ym Mhrifysgol De Cymru, a hyn a wnaeth fy sbarduno i weithio am flwyddyn yn ystod fy astudiaethau.

Ym mis Medi 2017, bydda i'n parhau â fy astudiaethau yn y Brifysgol a chwblhau fy mlwyddyn olaf o astudio, a rwy'n gobeithio ailafael yn y gwaith ar ôl gorffen astudio".

Mae Jamiel hefyd wedi cael y cyfle i weithio mewn nifer o wahanol feysydd yng Ngwasanaethau Caffael, sydd wedi ei helpu i ehangu ei wybodaeth a'i sgiliau. Meddai Jamiel:

"A finnau dan hyfforddiant, mae llawer o brosiectau amrywiol wedi eu rhoi imi i weithio arnynt yn ystod fy amser yn PCWC. Yn y dechrau, cafodd cynllun gwaith ei lunio imi fel y gallwn weld y broses Prynu i Dalu yn ei chyfanrwydd yn PCWC.

Erbyn diwedd Haf 2017, bydda i wedi bod yn rhan o brosiectau sy'n amrywio o'r Gadwyn Gyflenwi a Ffynonellu i'r Rheng Flaen.


Rydw i wedi mwynhau gweithio ar brosiect mawr sydd wedi bod ar y gweill trwy gydol fy nghyfnod yn y broses Prynu i Dalu, sydd wedi cynnwys cynnal a threfnu adolygiadau o wardiau yn ysbytai Singleton, Treforys a Thywysoges Cymru".

Bydd y fideo ar gyfer israddedigion ar gael ar wefan Prifysgol De Cymru a bydd yn chwarae rhan flaenllaw yn y gwaith o'u recriwtio ac mewn ymgyrchoedd marchnata yn y dyfodol.

Wrth fyfyrio am ei brofiadau yn Storfeydd Pen-y-bont ar Ogwr, meddai Jamiel:

"Hoffwn ddiolch i bawb yn Storfeydd Pen-y-bont ar Ogwr am wneud fy amser yno yn fythgofiadwy, ac am fy nghyflwyno i'r gweithle proffesiynol a fy nhrin fel aelod cyfrifol o staff yn hytrach na fel myfyriwr.

Hoffwn ddiolch yn arbennig i Louise Rogers am roi cychwyn ar bopeth, ac am ymddiried ynof i a fy mharchu ddigon i adael imi ddefnyddio fy noniau i gynhyrchu gwaith da".



Jamiel yn sicrhau bod y goleuadau'n iawn ar gyfer ffilmio



Andrew yn sadio'i hun ar gyfer y camera



Andrew'n cael ei ffilmio wrth ei waith yn Storfeydd Pen-y-Bont



Gwasanaethau Gofal Sylfaenol yn datgelu popeth gyda thaith o amgylch y Storfeydd

Drwyr gydol yr haf, mae cydweithwyr o Gymorth Busnes Gwasanaethau Gofal Sylfaenol wedi bod yn rhoi teithiau tywys o gwmpas eu storfeydd (yn y llun uchod) yn Nhŷ Brycheiniog ym Mamheilad ym Mhont-y-pŵl.

Mae hyn wedi galluogi'r staff i weld y gwahanol wasanaethau y mae Gwasanaethau Gofal Sylfaenol yn eu darparu, ar y cyd â rhoi gwell dealltwriaeth iddynt o Wasanaeth Storio a Chyrchu Cofnodion Meddygol Cleifion. Derbyniwyd adborth cadarnhaol oddi wrth staff a fynychodd y daith dywys o gwmpas y storfeydd.

"Taith dywys werthfawr iawn a ddangosodd yn glir fawredd y gwasanaeth Cofnodion Meddygol. Gwnaeth fy ngalluogi i weld y cyfleuster a deall y broses ychydig yn well, a fydd yn fy helpu yn fy ngwaith. Mae Andy Ball yn amlwg yn wybodus iawn a gwnaeth waith gwych."

Mae gwybodaeth Andy heb ei hail ac atebodd bob cwestiwn y gofynnwyd iddo. Roedd y daith o fudd imi gan ei bod wedi fy helpu i ddeall y trefniadau sydd yn eu lle ar gyfer storio a chyrchu cofnod meddygol, a phwysigrwydd peidio â gorlenwi blychau yn benodol a'r angen am system gorlifo o ganlyniad."

"Roedd y daith yn wych, ces i fy synnu gan faint y prosiect. Roedd y staff yn groesawgar ac yn wybodus iawn, ac mae'n ymddangos bod y system yn rhedeg yn esmwyth. Mae'n glod i Wasanaethau Gofal Sylfaenol/PCWC."





Cydweithwyr o PCWC yn codi arian ar gyfer Sefydliad Bradley Lowery

Cynhaliodd staff caredig ddiwrnod 'gwisgo'n hamddenol' yn ddiweddar yn swyddfa Tŷ'r Cwmnïau yng Nghaerdydd, a hynny â thema crysau pêl-droed er budd Sefydliad Bradley Lowery. Codwyd ychydig dros £300 ar gyfer y Sefydliad, a enwyd ar ôl bachgen bach y bu sôn mawr amdano yn y newyddion yn y DU a ledled y byd pan gafodd ddiagnosis o ganser ac yntau ond yn 18 mis oed. Cyffwrddodd brwydr ysbrydoledig Bradley a'i gyfeillgarwch â Jermain Defoe, a arferai chwarae i'w annwyl Sunderland FC, â chalon y genedl.

Caiff yr arian y codwyd ei roi i'r Sefydliad a fydd yn cynorthwyo teuluoedd gyda'u hymgyrchoedd codi arian eu hunain. Meddai Victoria Bartlett o Wasanaethau Cyflogaeth:

"Cafwyd ymdrech anferthol gan bawb a gymerodd ran yn ystod y diwrnod a chan y rhai a barhaodd i roi arian ar ôl hynny. Mae'n rhaid diolch yn arbennig i Alex Gould am godi'r syniad. Heb ei gyfraniad ef, ni fyddai'r diwrnod byth wedi digwydd".

Tudalen Just Giving Sefydliad Bradley Lowery:

www.justgiving.com/crowdfunding/bradleylowerysfight



Yn y llun: Bradley Lowery a Jermain Defoe



Hyrwyddo Teithio Llesol a Chynaliadwy yn PCWC

Her Teithiau Iach i'r Gwaith 2017. Pa mor dda wnaethom ni?

Roedd modd gwneud Her Teithiau Iach i'r Gwaith 2017 rhwng 1 a 31 Gorffennaf, ac fe'i cynhaliwyd gan Sustrans Cymru. Cyrhaeddodd PCWC y trydydd safle yn y categori ar gyfer sefydliadau sydd â mwy na 1,500 o staff, a daethom y tu ôl i'r DVLA a Dŵr Cymru ond llwyddom ni i guro ein sefydliad lletya, sef Ymddiriedolaeth GIG Felindre, a gyrhaeddodd y pedwerydd safle.

Fel sefydliad, cofnodom ni dros 500 o deithiau, teithiom ni bron i 3,500 o filltiroedd a llosgom ni'r hyn sy'n cyfateb i nifer y calorïau a geir mewn 350 o doesenni! Roedd yr her yn hyblyg a gallai pawb gymryd rhan, a'r nod oedd annog cynifer o bobl â phosibl i deithio mewn modd cynaliadwy ar deithiau lleol. Roedd yn iach, yn garedig i'r amgylchedd ac yn hwyl i'r rhai a gymerodd ran, a roedd llwyth o wobrau gwych i'w cipio ar hyd y ffordd, gyda staff PCWC yn ennill mewn rhai gweithgareddau, megis gosod targedau a chofnodi teithiau hir!

Roedd gan bob wythnos thema newydd, gyda seiclo, rhannu ceir a cherdded oll yn ymddangos! Yn olaf, da iawn i bawb a gymerodd ran yn yr Her eleni! Gobeithio y byddwch chi'n cadw'r arferion iach, llesol a chynaliadwy rydych chi wedi eu magu trwy gymryd rhan yn yr Her eleni.

Gallwch chi ddysgu rhagor am Her Teithiau Iach i'r Gwaith yma:

travelchallenge.getmeactive-cymru.org.uk

neu ewch i Systran yn
www.sustrans.org.uk/




501

o deithiau yn cael eu cofnodi



Rhif 3 yn y categori ar gyfer mwy **na 1500** o staff



207.255

CO₂ wedi eu harbed



3485.54

o filltiroedd wedi eu teithio



7893.2

o galorïau wedi eu llosgi



£251.80

o bunnoedd wedi eu harbed

Y Stondin Teithio Llesol



Mewn partneriaeth â Sustrans, cynhaliodd PCWC Stondin Teithio Llesol ar 6 Gorffennaf yn Nhŷ'r Cwmnïau. Roedd y stondin ar agor i bob aelod o staff a Roxann Davies, Swyddog Cydymffurfio PCWC, oedd yn gyfrifol amdani ar y cyd â Dan Wood o Sustrans Cymru.

Nod y stondin oedd annog staff i ddysgu mwy am deithio llesol a chynaliadwy ac i gymryd rhan mewn mentrau presennol sydd ar y gweill yn PCWC, wrth hyrwyddo Her Teithiau Iach i'r Gwaith Sustrans Cymru.

Amlygodd y stondin bwysigrwydd ymarfer corff i weithlu'r GIG, roedd cynghorion am seiclo a cherdded, arddangoswyd canlyniadau pwysig ein Cynllun Teithio 5 mlynedd a hyrwyddwyd manteision rhannu ceir. A llawer mwy! Darparodd Sustrans gyfoeth o adnoddau, gan gynnwys mapiau cerdded a seiclo ar gyfer staff, a roedd arddangosiad hefyd am sut i gofrestru ar gyfer eu Her Teithiau Iach i'r Gwaith.

Gofynnwyd i staff gymryd rhan yn ein Haddewid Teithio Llesol, trwy addo i ymrwymo i un dull o deithio i'r gwaith sy'n gynaliadwy neu lesol.

Am ragor o wybodaeth am deithio llesol a chynaliadwy, cysylltwch â:

roxann.davies@wales.nhs.uk



O'r chwith: Dani Wood o Sustrans Cymru a Roxann Davies yn ein Stondin Teithio Llesol yn Nhŷ'r Cwmnïau, Caerdydd



PCWC yn cefnogi Pride Cymru 2017

Dathliad o gydraddoldeb, amrywiaeth a chynhwysiant!

Gyda miloedd o bobl lesbiaidd, hoyw, deurywiol, trawsrywiol a di-ddeuaidd a'u cefnogwyr yn mwynhau dathliadau PRIDE ledled y byd, mae'n bwysig cofio pa mor bell rydym ni wedi dod wrth sicrhau cydraddoldeb.

Ar 26 Awst 2017, cymerodd PCWC a'i chydweithwyr o rwydwaith ehangach GIG Cymru ran yn nathliadau PRIDE Cymru yng Nghaerdydd, gan gerdded ym Mharêd PRIDE Cymru a rhannu stondin wybodaeth am GIG Cymru yn yr ŵyl.

Y Parêd

Arweiniwyd y Parêd gan aelodau o Grŵp Arweinyddiaeth Cydraddoldeb GIG Cymru: Roxann Davies ar ran PCWC, Ceri Harris ar ran Ymddiriedolaeth GIG Felindre, Keithley Wilkinson ar ran Bwrdd Iechyd Caerdydd a'r Fro a Jill Evans ar ran Bwrdd Iechyd Aneurin Bevan.

Aeth nifer helaeth o gydweithwyr PCWC ac aelodau o staff ar draws GIG Cymru i'r digwyddiad, ac roeddent yn llawn cyffro am gymryd rhan yn y dathliadau. Roedd yr awyrgylch yn wych, roedd yr haul yn tywynnu ac roedd pawb yn mwynhau gan ddymuno "Happy Pride" i'w gilydd. Roedd Caerdydd yn enfys lawn lliw!



Y Stondin Wybodaeth

Roedd y stondin yn gyforiog o bethau da gan GIG Cymru, a gofynnem ni i'r rhai oedd yno gwblhau holiadur dwyieithog am eu profiad o ddefnyddio'n gwasanaethau ni. Roedd mor llwyddiannus fel ein bod wedi rhedeg allan ohonynt!

Roeddem ni hefyd wedi hyrwyddo mentrau fel Grŵp Partneriaeth Hunaniaeth Rhywedd GIG Cymru, Sefydliad Ffrwythlondeb Cymru, Gyrfaedd GIG Cymru a gwasanaethau parcio a theithio yn Ysbyty Athrofaol Cymru.

Meddai Roxann Davies, *"Dyma fy mhrofiad cyntaf o PRIDE Cymru a ches i amser gwych! Roedd yn ardderchog a chodom ni ymwybyddiaeth am ein gwasanaethau yn y stondin yn y digwyddiad."*

Mae ein presenoldeb yn y Pared a'n baner yn y digwyddiad sef "Dathlu Amrywiaeth" wedi cael llawer o sylw ar y cyfryngau cymdeithasol!"



GIG Cymru yn PRIDE Cymru 2017



Glenda Branken, Alison Lewis, Kirsten Lewis a Tracey Sullivan o dîm e-Alluogi Caffael



Y Llwybr



Ymunwch â'n rhwydwaith!

Rydym ni wrthi'n sefydlu Rhwydwaith Lesbiaidd, Hoyw, Deurywiol a Thrawsrywiol+ i Staff ac os hoffech chi gofrestru eich diddordeb mewn ymuno, cysylltwch â


Roxann Davies

Arweinydd Cydraddoldeb/Swyddog Cydymffurfio
(Roxann.Davies@wales.nhs.uk)

Richie Haworth

Rheolwr Gwasanaethau Recriwtio
(Richie.Haworth@wales.nhs.uk)

PCWC yn cadw'r Safon Rheolaeth Amgylcheddol



Mae tîm ISO14001 wedi gweithio'n galed iawn yr haf hwn er mwyn cydymffurfio â gofynion y System Rheolaeth Amgylcheddol yn ystod ein harchwiliad allanol blyneddol.

Yn dilyn yr archwiliad, llwyddodd PCWC i gadw ardystiad Safon ISO 14001:2004 yn dilyn argymhelliad gan SGS UK Ltd.

- **1** Mân ddiffyg cydymffurfio wedi ei godi
- **4** Cyfle i Wella
- **2** Arsylwad (amlygu enghreifftiau rhagorol ar safleoedd).

Y safleoedd yr ymwelwyd â hwy yn rhan o'r archwiliad eleni:

- Y Pencadlys – Charnwood Court
- Tŷ'r Cwmnïau
- Tŷ Brycheiniog/Cwmbrân
- Storfeydd Cwmbrân
- Storfeydd Sain Tathan.

Roedd yr archwilydd hefyd wedi cyfweld ag aelodau o'r timau canlynol, er mwyn asesu cydymffurfiaeth â'r Safon:

- Y Gwasanaethau Negesydd Iechyd
- Tîm Caffael Lleol Felindre
- Y Tîm Ffynonellu Canolog.

Amcanion yr Archwiliad:

- **MESUR CYDYMFFURFIAETH** ein system rheolaeth amgylcheddol, neu rannau ohoni, â meini prawf yr archwiliad ynghyd â gallu'r system i sicrhau y caiff gofynion statudol, rheoleiddiol a contractiol eu bodloni
- **SICRHAU EFFEITHIOLRWYDD** y System Rheolaeth Amgylcheddol, i'r graddau y gallwn ddisgwyl i gyflawni ein hamcanion penodedig
- **NODI'R** meysydd perthnasol y gellir gwella arnynt.

Teulu ISO 14000- Rheolaeth Amgylcheddol



Mae teulu ISO 14000 yn arfau ymarferol y gall cwmnïau a sefydliadau o bob math eu defnyddio i reoli eu cyfrifoldebau amgylcheddol.

Meddai Roxann Davies, Swyddog Cydymffurfio ac Arweinydd Prosiect ar gyfer ISO14001 a'r Amgylchedd:

"Hoffwn ddiolch i bawb a gymerodd ran yn yr archwiliad allanol gyda SGS Ltd yr haf hwn. Roedd pa mor wreiddiedig ac integredig mae'r System Rheolaeth Amgylcheddol yn y sefydliad, ynghyd â lefel ymwybyddiaeth staff o faterion amgylcheddol, wedi gadael cryn argraff ar yr archwilydd.

Rydw i wrth fy modd ein bod wedi llwyddo i ennill ardystiad Safon ISO14001:2004 eto, fel y cynlluniwyd, a gallaf gadarnhau ein bod ar y trywydd iawn i drosglwyddo i Safon ISO14001:2015 ym mis Mai 2018 yn llwyddiannus"

Rhagor o wybodaeth

I ddysgu rhagor am yr amgylchedd ac ardystiad ISO14001, [ewch i dudalen PCWC](#) a'r [dudalen am yr amgylchedd ar y fewnwyd](#), neu cysylltwch â roxann.davies@wales.nhs.uk

PCWC yn cynnal y digwyddiad Sganio'r Gorwel Blynyddol

Cyfarfu Uwch Dîm Rheoli PCWC yn ddiweddar ar gyfer ei ddiwrnod sganio'r gorwel blynyddol ar 14 Medi 2017 yn River House, Gwaelod-y-Garth, Caerdydd.

Mae'r digwyddiad cynllunio blynyddol yn rhoi'r cyfle i Gyfarwyddwyr, Penaethiaid Gwasanaeth a'u huwch dimau rheoli i ddod ynghyd a chydystyried sut rydym ni wedi perfformio yn erbyn yr amcanion allweddol a amlinellwyd yng Nghynllun Tymor Canolig Integredig PCWC ar gyfer 2017-2020 dros y 12 mis diwethaf.

Maent hefyd yn gweithio gyda'i gilydd er mwyn nodi blaenoriaethau ein partneriaid a'n cwsmeriaid yn y dyfodol, ac er mwyn cynllunio ein gwasanaethau fel y gallwn wireddu'r blaenoriaethau hyn.

Defnyddir adborth o'r digwyddiad yn sylfaen dystiolaeth i'w chynnwys yn y Cynllun Tymor Canolig Integredig, y caiff ei chyflwyno i Lywodraeth Cymru ym mis Mawrth 2017 yn unol â Fframwaith Cynllunio Llywodraeth Cymru ar gyfer pob un o gyrff GIG Cymru.

Agorwyd y digwyddiad gan Neil Frow, Rheolwr Gyfarwyddwr PCWC, a gofynnodd i bawb yn yr ystafell feddwl yn feiddgar! Cydnabu'r holl waith caled a wnaed wrth lunio'r Cynllun Tymor Canolig Integredig y llynedd a chydabu hefyd y byddai'r diweddariad eleni yn adlewyrchu'r sefyllfa gref yr ydym ynddi i greu newid ledled Cymru.

Rhoddodd Llywodraeth Cymru adborth cadarnhaol ar Gynllun Tymor Canolig Integredig 2017-2020 a rhoddodd arweiniad am flaenoriaethau Ysgrifennydd y Cabinet, Vaughan Gething, dros y tair blynedd nesaf.

Roedd pwyslais ar gydweithio a gwneud pethau "unwaith dros Gymru", gan gydnabod safle unigryw PCWC i hyrwyddo arfer gorau. Dyma rai o'r themâu yr aed i'r afael â hwy yn ystod y dydd:

- Deddf Llesiant Cenedlaethau'r Dyfodol
- Amcanion cyffredinol ar gyfer y tair blynedd nesaf
- Ymgysylltu â Chwsmeriaid
- Beth yn rhagor y gallwn ni ei wneud dros Gymru, gan gynnwys gwasanaethau ychwanegol.

Am weddill y diwrnod, cynhaliwyd cyfres o weithdai ar y prif feysydd yn y Cynllun Tymor Canolig Integredig y gallwn ni wella arnynt cyn inni ei gyflwyno ym mis Ionawr. Hwyluswyd y gweithdai gan Mark Roscrow, Cyfarwyddwr Gwasanaethau Cyflogaeth Paul Thomas a Chyfarwyddwr y Gweithlu a Datblygu Sefydliadol Hazel Robinson.



Staff yn gweithio ar ein hamcanion cyffredinol yn y gweithdy



Staff yn trafod themâu ymgysylltu â chwsmeriaid



Staff yn trafod Deddf Llesiant Cenedlaethau'r Dyfodol

Beth yw ein Cynllun Tymor Canolig Integredig?

Mae Cynllun Tymor Canolig Integredig PCWC yn disgrifio pwy ydym ni, y cynnydd rydym ni wedi ei wneud eisoes ynghyd â'r hyn rydym ni'n bwriadu ei wneud dros y tair blynedd nesaf. Mae'r nodau rydym ni wedi eu gosod yn y Cynllun Integredig hwn yn heriol, serch hynny rydym ni'n ffyddiog bod gennym yr ymroddiad a'r gallu i'w cyflawni.



Mae fersiwn diweddaraf y Cynllun ar gael i'w ddarllen a gellir dod o hyd iddo ar ein safle mewnwyd yma.

Timau PCWC yn symud i'w swyddfeydd newydd yn Nhŷ Matrix, Abertawe

Ar 11 Medi 2017, symudodd staff PCWC o'u swyddfa yn y gorllewin yng Nghanolfan Oldway yn Abertawe i'n canolfan ranbarthol newydd yn Nhŷ Matrix ym Mharc Anturiaeth Abertawe.

Roedd y timau a symudodd yn cynnwys staff o Wasanaethau Archwilio a Sicrwydd, Gwasanaethau Cyflogaeth (Recriwtio a'r Gyflogres), Gwasanaethau Gofal Sylfaenol (Rheolaeth Contractau Cymorth Busnes, Taliadau, Dilysu ar ôl Talu, Cofrestru a Moderneiddio), Gwasanaethau Corfforaethol, y Tîm e-Fusnes Canolog a Gwasanaethau'r Gweithlu a Datblygu Sefydliadol.


Mae'r adeilad newydd yn golygu bod gan ein gwasanaethau gyfleusterau modern o'r radd flaenaf sy'n hawdd eu cyrraedd o goridor yr M4.



Tŷ Matrix, Abertawe



Y tu fewn i Dŷ Matrix



Lleoliad Tŷ Matrix



Llun o Dŷ Matrix o'r awyr

Gwybodaeth Bwysig

Cyfeiriad

Tŷ Matrix, Boulevard y Gogledd, Parc Matrix
Parc Anturiaeth Abertawe,
Abertawe
SA6 8BX

Defnyddiwch god post
SA6 8RE os ydych chi'n
defnyddio Sat Nav a
wnaed cyn 2017.

Ffôn

01792 860500

Gellir dod o hyd i fapiau a rhagor o wybodaeth am Dŷ Matrix ar fewnwyd y staff **yma**



Rheoli risg yn effeithiol



Andy Butler (yn y tu blaen), Jacqui Maunder a Peter Stephenson yn mynd trwy'r rhaglen

Yr haf hwn, mae gweithgor o adran Gwasanaethau Corfforaethol wedi bod yn brysur yn diweddarau sut maent yn mynd ati i reoli risg, â chymorth Arbenigwr Risg ac Archwilydd Mewnol PCWC, Peter Stephenson.


Cynhaliodd y gweithgor, a oedd yn cynnwys Cyfarwyddwr Cyllid a Gwasanaethau Corfforaethol Andy Butler, Pennaeth Gwasanaethau Corfforaethol Jacqui Maunder a Swyddog Cydymffurfio Roxann Davies, Weithdy Ymgynghorol ar Reoli Risg ar gyfer yr Uwch Dîm Rheoli, gyda gweithdy dilynol yn cael ei gynnal er mwyn casglu barn rheolwyr ac unigolion pwysig.

Datblygiadau ym maes Rheoli Risg

- Cawsom ni adborth cadarnhaol o'r Gweithdai Ymgynghorol ar Reoli Risg ac yn dilyn hyn mae'r Gofrestr Risg Gorfforaethol wedi ei hadolygu a'i diweddarau ac mae ei ffurf wedi ei diwygio
- Mae ymarferiad mapio sicrwydd peilot wedi ei gynnal gan Peter Stephenson, ac fe'i cytunwyd y byddai'r ymarferiad hwn yn cael ei ymestyn i gwmpasu pob cyfarwyddiaeth
- Mae gwaith i symud Cofrestrau Risg y Cyfarwyddiaethau i'r fformat newydd wedi ei wneud. Fodd bynnag, mae'n bwysig bod Cyfarwyddiaethau yn sicrhau eu bod yn diweddarau ac yn adnewyddu eu Cofrestrau Risg yn barhaus.



Peter Stephenson, Archwilydd Mewnol



Andy Butler yn trafod mapio sicrwydd

Asesu Materion Llywodraethu a Risg

Mae diffyg trefniadau llywodraethu cadarn er mwyn rheoli risg yn risg i PCWC, ac mae gan bob cyfarwyddwr gyfrifoldeb i roi gwybod i'r Uwch Dîm Rheoli am unrhyw risgiau a all gael effaith ariannol.

Os nad oes digon o gyfathrebu er mwyn rheoli risg, gall hyn gael effaith andwyol ar PCWC a'i chwsmeriaid.



Dros y blynyddoedd diwethaf, mae sawl cynllun, prosiect a datblygiad wedi bod, oll â'r nod o wella effeithlonrwydd ynni a lleihau carbon ar draws ystâd y GIG.

Cynhaliodd Chris Lewis, Ymgynghorydd Rheolaeth Amgylcheddol Gwasanaethau Ystadau Arbenigol, astudiaeth i ymchwilio i effeithiolrwydd rhai o'r cynlluniau hyn.

Yn gyffredinol, mae GIG Cymru yn gwario £37 miliwn bob blwyddyn ar ynni, sy'n gyfwerth â 193,000 tonnelli o allyriadau CO2 bob blwyddyn. Ar sail faint o ynni a ddefnyddir bob blwyddyn, disgwylir i gostau cyfleustodau barhau i gynyddu.

Yn ogystal â hyn, mae sawl polisi a deddf heriol y mae rhaid i GIG Cymru gydymffurfio â nhw, gan gynnwys Cynllun Effeithlonrwydd Ynni'r Ymrwymiad Lleihau Carbon. Cynllun masnachu allyriadau yw hwn sy'n berthnasol i bob sefydliad sy'n defnyddio dros 6 miliwn oriau cilowat o drydan y grid bob blwyddyn.

Mae hyn yn berthnasol i bob un o sefydliadau'r GIG ar wahân i Fwrdd Iechyd Powys, Ymddiriedolaeth GIG Felindre ac Ymddiriedolaeth Gwasanaeth Ambiwylans Cymru GIG Cymru.

Mae'r Ymrwymiad Lleihau Carbon yn ei gwneud yn ofynnol i sefydliadau perthnasol sydd o dan rwymedigaeth i brynu lwfansau carbon i dalu am eu defnydd o gyfleustodau (heb gynnwys tanwydd olew ac ynni adnewyddadwy). Cost y credydau hyn yw £16.10 fesul tonnelli ar hyn o bryd (neu £17.20 os cânt eu prynu ar ddiwedd y cyfnod cydymffurfio).

Fel arfer bob blwyddyn, mae Byrddau Iechyd yng Nghymru yn wynebu costau ynni sydd rhwng £300,000 a £600,000 wrth gydymffurfio, ac o ganlyniad mae hyn yn annog sefydliadau i ystyried mentrau ar gyfer lleihau allyriadau carbon a lleihau trwy hynny eu costau Ymrwymiad Lleihau Carbon.

Yr her amgylcheddol mae GIG Cymru yn ei hwynebu

Cynhaliodd tîm Gwasanaethau Ystadau Arbenigol adolygiad o fentrau amgylcheddol ledled GIG Cymru, ac ystyriodd sampl bach o gynlluniau sy'n cynrychioli gwahanol dechnolegau, sef rhai traddodiadol a rhai dim carbon neu garbon isel fel ei gilydd. Aeth yr astudiaeth i'r afael hefyd â gwahanol ddulliau o'u caffael a'u darparu.

Dyma restr o'r cynlluniau:

- Gosod goleuadau Deudau Allyrru Golau (LED) ym Mwrdd Iechyd Aneurin Bevan,
- Gosod Gwres a Phŵer Cyfunedig ac Oergell Amsugno yn Ysbyty Nevill Hall,
- Gosod pwmp gwres o'r ddaear yn Ysbyty Abergele,
- Gosod paneli solar yn Ysbyty Glan Clwyd,
- Contract perfformiad ynni ym Mwrdd Iechyd Hywel Dda. Cymharu'r mathau o effeithlonrwydd ynni neu ddulliau o leihau carbon oedd y nod, a hynny er mwyn tynnu sylw at arfer gorau, dysgu gwersi a nodi'r mentrau llwyddiannus y gellir eu rhoi ar waith ar draws sefydliadau'r GIG.



*Chris Lewis,
Ymgynghorydd Rheolaeth
Amgylcheddol yng
Ngwasanaethau Ystadau
Arbenigol.*

Prif ddarganfyddiadau

Mae **goleuadau Deuodau**

Allyrru Golau yn faes y gellir ei ystyried ar unwaith, a gellir ei ddefnyddio ar draws GIG Cymru. Trwy weithio â'r gosodwyr iawn, mae gosod y goleuadau yn gymharol gyflym a hawdd, heb darfu'n ormodol ar wasanaethau. Gall ddarparu arbedion sylweddol ac hirdymor gan osgoi costau o gymharu â goleuadau fflwroleuol.

Mae gan offer **tair cenhedlaeth** (hynny yw, Gwres Oeri a Phŵer Cyfunedig (GPhC) - yn yr achos hwn, defnyddio GPhC i ddarparu trydan ac ynni thermol ac oergell amsugno ar gyfer oeri) botensial amlwg yn y cydestun iawn.

Mae'r galw am oeri yn cynyddu effeithiolrwydd GPhC gan ei fod yn galluogi mwy o ddefnydd o'r allbwn thermol y tu allan i'r tymor gwresogi.

Mae'n werth ymchwilio ymhellach i **Bwmp Gwres o'r Ddaear** Ysbyty Abergele, gan fod y dadansoddiadau cychwynnol yn awgrymu bod yr effaith ar berfformiad yr adeilad yn gadarnhaol. Serch hynny, mae angen rhagor o ddata er mwyn ennyn hyder yn y dechnoleg. Mae ffigurau cadarn a data dibynadwy yn bwysig i bob cynllun er mwyn sicrhau bod y perfformiad a ragwelir yn cyd-fynd â'r perfformiad gwirioneddol.

Gall ynni **solar ffotofoltaidd** ac enghreifftiau eraill o ynni adnewyddadwy ddarparu arbedion bob blwyddyn, er y bydd hyn yn dibynnu ar gyfraddau'r Tariff Bwydo i Mewn, sydd wedi ei leihau yn sylweddol. O safbwynt gwresogi, nid yw hyn wedi effeithio ar y Cymhelliad Gwres Adnewyddadwy hyd yma, ond mae'r newidiadau i'r Tariff yn tynnu sylw at bwysigrwydd rhagweld effeithiau economaidd hirdymor cymorthdaliadau ynni adnewyddadwy ynghyd â phwysigrwydd eu deall.



Cyllid

Mae Contractau Perfformiad Ynni (CPY) trwy bartneriaeth sydd â lleiafswm o arbedion gwarantedig i gynlluniau mawr, megis fframwaith RE:Fit Cymru, yn ffynhonnell ddeniadol o gyfalaf lle nad oes llawer o gyllid canolog ar gael. Mae defnyddio tîm prosiect cryf ar y cyd â deall faint o adnoddau y bydd eu hangen er mwyn monitro a chynnal perfformiad yn hollbwysig. Mae hefyd yn hollbwysig meithrin perthynas hirdymor dda â'r Partner CPY er mwyn bod yn llwyddiannus yn yr hirdymor.

Mae rhaglen Buddsoddi i Arbed Llywodraeth Cymru yn ffynhonnell arwyddocaol o gyllid i'w hystyried. Mae'n fwyaf addas i gynlluniau ar wahân y gellir eu rhoi ar waith yn gymharol hawdd a lle gwelir yr adenillion o fewn tua 5 mlynedd. Fodd bynnag, mae angen cyfraniad cyfwerth â 25% oddi wrth y Bwrdd Iechyd neu Ymddiriedolaeth.

Rhagor o wybodaeth

Os oes gennych chi unrhyw syniadau ar gyfer cynllun Buddsoddi i Arbed, cysylltwch â christopher.lewis4@wales.nhs.uk



Y Gwasanaeth Trallwysiad Gwaed yn canmol Gwasanaeth Negesydd Iechyd

Y Gwasanaeth Negesydd Iechyd yn darparu gwasanaeth rhagorol



Oeddech chi'n gwybod?

Mae'r Gwasanaeth Negesydd Iechyd yn darparu ystod eang o wasanaethau, gan gynnwys darparu cefnogaeth i gymunedau lleol, cynghreiriau iechyd, grwpiau iechyd lleol a Meddygon Teulu. Mae'r Gwasanaeth Negesydd Iechyd yn cyflogi dros **120** o bobl ac mae ganddo fflyd o **90** o gerbydau, sydd oll yn cludo deunydd megis post, golch, cofnodion meddygol, deunydd patholegol, cynhyrchion gwaed, cyflenwadau fferyllo, cyffuriau rheoledig, meddygaeth niwclear a gwastraff ymbelydrol.

Cafodd y Gwasanaeth Negesydd Iechyd glod gan y Gwasanaeth Trallwysio Gwaed yn ddiweddar ym Mwrdd Iechyd Prifysgol Caerdydd a'r Fro, am helpu i ddatrys problem fawr i'r Banc Gwaed.

Gofynnwyd i'r Gwasanaeth Negesydd Iechyd drosglwyddo nifer o nwyddau meddygol a dogfennau y mae eu data wedi eu hamddiffyn i Ysbyty Llandochau, Caerdydd. Gwnaed hyn oherwydd pryderon bod Deunyddiau Sy'n Cynnwys Asbestos yr oedd angen i gontractwr arbenigol o Ysbyty Athrofaol Cymru weithio arnynt yn syth.

Yn y bôn, golygodd hyn fod risg y byddai rhaid i'r Banc Gwaed gyfyngu ar ei wasanaethau, a bu i hyn oblygiadau clinigol i gleifion.



Ysbyty Llandochau, Caerdydd



Bu Georgia Stephens, Rheolwr y Labordy Trallwysio Gwaed, yn llawn canmoliaeth i'r tîm Gwasanaeth Negesydd Iechyd:

"Roeddwn am ddweud diolch am y gwasanaeth y darparodd eich tîm inni. Yn benodol, gwnaeth ein trafodaeth dros y ffôn, eich dealltwriaeth ddi-oed o'r sefyllfa, y datrysiaid prydlon y cynigiwyd inni, proffesiynoldeb eithriadol y ddau ddyn a wnaeth y dasg, a'r agwedd gymwynasgar a siriol sydd gan eich tîm, oll gryn argraff arnaf."

Unwaith eto, diolch yn fawr iawn. Gwnaethoch chi ein helpu i ddatrys problem anodd, a thrwy hynny galluogoch chi dimau eraill yn y sefydliad i barhau â'u gwaith. Gwasanaeth rhagorol gan dîm gwyth!"

Cydweithwyr o PCWC yn chwarae gêm bêl-droed elusennol yn erbyn Notts County Legends



"Tîm Lullaby" (mewn gwyrdd) yn y llun gyda Notts County Legends cyn y gêm elusennol

Chwaraeodd cydweithwyr o Wasanaethau Cyflogaeth PCWC, gan gynnwys Swyddog y Gyflogres Christopher Hampson, gêm pêl-droed elusennol yn erbyn Notts County Legends yn ddiweddar, gan godi arian i elusen ar yr un pryd.

Cafodd y gêm ei chwarae ar 13 Awst yng nghlwb pêl-droed Dunkirk er budd y Lullaby Trust, sef elusen sy'n codi ymwybyddiaeth am Syndrom Marwolaeth Sydyn Babanod, sy'n fwy adnabyddus fel marwolaeth yn y crud. Mae hefyd yn darparu cefnogaeth i rieni sydd wedi colli plentyn, cyngor ar sut i roi babanod i gysgu yn ddiogel ar y cyd â gwneud ymchwil i achosion marwolaeth sydyn babanod a sut y gellir ei hatal.

Trefnodd Christopher y gêm elusennol oherwydd i'w ferch Chloe farw yn drasig yn 2012 a hithau ond yn ddeg wythnos oed. Penderfynodd Christopher a'i wraig Stephanie gefnogi'r elusen er nad ydynt wedi defnyddio eu gwasanaethau, ac maent yn dweud eu bod am wneud rhywbeth i helpu teuluoedd eraill i ddygymod â'u profiad trasig.

Meddai Christopher: *"Dechreuon ni godi arian gan ein bod yn meddwl ei fod yn ddull da o godi ymwybyddiaeth. E-bostion ni Notts County ac yn ffodus, dywedont y byddent yn cymryd rhan. Dyw e ddim yn rhywbeth dych chi'n brofi bob dydd yn eich bywyd, i chwarae gyda chwaraewyr mor dda, alla i ddim ei roi mewn geiriau, roedd yn brofiad gwych".*

Mae'r ffan pêl-droed wedi cymryd rhan mewn digwyddiadau codi arian o'r blaen, megis Yr Her Tri Chopa, ond mae wedi cael mwy o lwyddiant wrth chwarae pêl-droed. Ychwanegodd, *"Mae mynd â tîm o 16 o bobl yn fwy o hwyl. Mae wedi helpu i godi mwy o ymwybyddiaeth nag y byddwn i wedi wrth ddringo mynydd yn unig. Does dim rhaid ichi fod yn dda, doedden ni ddim yn disgwyl curo Notts County, ond roedd yn ddiwrnod da".*

Cafodd y Lullaby Team ei reoli gan y newyddiadurwr chwaraeon a sylwebydd o Nottingham Colin Slater MBE, ar gyfer yr hyn a fu'n gêm wefreiddiol. Mewn gornest gystadleuol, enillodd Notts County o drwch blewyn a 2-1 oedd y sgôr i'r tîm cartref.

Codwyd dros £3000 ar y diwrnod, sy'n swm gwych ac yn destament i'r fyddin o gefnogwyr a ddaeth i weld y gêm.

Meddai'r cyn beldroediwr Tommy Johnson, a chwaraeodd i Notts County, Celtic ac Aston Villa ymysg clybiau eraill yn ystod ei yrfa:

"Roeddwn i, ar y cyd â fy hen gydweithwyr, yn falch o gefnogi'r Lullaby Trust a roeddem ni wrth ein bodd yn chwythu'r llwch oddi ar ein hesgidiau er mwyn cymryd rhan yn y gêm elusennol uchel ei bri hon.

Mae Christopher a'i wraig Stephanie wedi gweithio'n ddi-flino i hyrwyddo'r Ymddiriedolaeth yn dilyn amgylchiadau mor drasig, ac roedd yn ddiwrnod gwych a gododd gymaint o arian am achos gwerth chweil."

Mewn Partneriaeth

Ychwanegu Gwerth Drwy Bartneriaeth

Hydref 2017

Os oes gennych chi unrhyw eitemau newyddion ar gyfer 'Mewn Partneriaeth', cysylltwch â Nathan Williams, y Swyddog e-Gyfathrebu

E-bost: nathan.williams@wales.nhs.uk

Ffôn: 01443 848537

Dyluniwyd a Chynhyrchwyd gan Dîm Dylunio



GIG
CYMRU
NHS
WALES

Partneriaeth
Cydwasaethau
Shared Services
Partnership